



Forum Ecclesiasticum

In Quo Jus Canonicum Universum, Librorum Ac Titulorum Ordine Per Quæstiones Et Responsa, Tam Canonistarum Veterum & Recentiorum, quàm Legistarum, in iis, quæ Utrique Juri, Canonico Et Civili Communia Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 461. Tacita hypotheca an & qualiter concessa pupillis & minoribus in tutorum & curatorum suorum bonis.

[urn:nbn:de:hbz:466:1-73957](https://nbn-resolving.org/urn:nbn:de:hbz:466:1-73957)

munem esse sententiam, astruunt Merlin. *loc. cit. quest. 56.* Uti hypotheca hac privilegiata potest, non tantum in ipsa dote, sed etiam in ejusdem augmento; cum accessorium dotis sit ejusdem cum ea naturæ. *Novell. 97. c. 2.* Merlin. *loc. cit. quest. 50. à num. 1.* Lauterb. §. 30. ex tempore tamen accedentis augmenti, & non dotis primitus constitutæ. Merlin. *loc. cit. n. 15.* Lauterb. *l. c.* modò tamen nihil factum in fraudem vel præjudicium creditorum. Idem de usuris ex dote debitis dicendum. Lauterb. §. 31. nam etiam, ut idem *ad tit. de pignor. §. 59.* pro his constitui potest hypotheca; cum, si simpliciter pro debito constituta est hypotheca, etiam pro usuris & impensis constituta censetur. *l. 8. §. fin. ff. de pign. 2.* Ut autem uxor ejusque liberi dicto prælationis jure efficaciter uti possint, dotis dationem seu numerationem probare debent legitime; V. g. per instrumenta vel testes. Masc. *de prob. vol. 2. concl. 115.* Brunem. *ad l. 12. §. 1. C. qui pot. in pign.* Lauterb. *in ff. in quib. caus. pign. §. 27.* Non sufficiente sola confessione mariti magno ære alieno jam gravati, vel facultatibus lapsi ad dotis numerationem probandam in præjudicium creditorum; cum non tam sit confessio testimonium in sui ipsius favorem & creditorum præjudicium. Lauterb. *loc. cit. §. 28.* secus esse dicens, si maritus facultatibus nondum lapsus, nec alia ratione fraudis suspectus, data apocha, se hanc vel illam summam dotis nomine accepisse post confectum instrumentum dotale ex intervallo temporis confessus fuerit; cum hoc ipso probetur illatio dotis, non solum in præjudicium mariti ejusque hæredum, sed etiam creditorum. Idque etiam, ut Lauterb. §. 29. si tempora exceptioni non numeratæ dotis præfinita sint elapsa, ita ut post illa elapsa nec creditores mariti contra illius confessionem illam opponere possint ad eum effectum, ut mulier numerationem dotis aliter probare cogatur.

2. Habent insuper uxores hypothecam tacitam in omnibus mariti bonis ratione bonorum aliorum præter dotalium. Ac primò quidem ratione paraphernalium, quæ præter dotalia marito intulerunt, eique administranda commiserunt, quam eis Justin. Imperat. in subsidium, si expressa ab iis desuper hypotheca constituta non fuit, concessit. *l. ubi adhuc. C. de jur. dot. l. fin. C. de pact. conv. Azor. p. 3. l. 7. tr. de pign. c. 13. §. sed nunquid.* Merlin. *l. 3. quest. 14. num. 1.* Bachov. *de pign. l. 1. c. 9. num. 13.* Pirh. *h. t. num. 8.* Lauterb. §. 33. competit illa iis ex tempore illationis dictorum bonorum. *cit. l. fin.* & ibi Brunem, & etiam mariti sint minores ætate. Bachov. Lauterb. *LL. cit.* Est hæc hypotheca simplex, seu non privilegiata, per quod differt ab ea, quam habent ratione dotis. Merlin. *de pign. l. 3. quest. 54. num. 6.* Carpz. *p. 2. c. 24. def. 3. num. 2.* Mynf. *cent. 5. obs. 4.* Barbof. *ad cit. l. fin. num. 8.* Lauterb. §. 34. secus tamen est, si ve ne quidem tacitam hypothecam simplicem ratione paraphernalium habent, si ea penes se retineant, ita ut maritus eorum administrationem non habeat. Abb. *inc. 5. h. t. num. 10.* sic explicans Gloss. *in c. ex literis. v. obligata.* dum negat uxorem habere hypothecam tacitam ratione paraphernalium, nimirum non commissorum administrationi mariti. Covar. *l. 1. var. c. 7. num. 1.* Azor. *loc. cit.* quos citat & sequitur Pirh. *h. t. num. 8.* Sed neque pro cæteris bonis, quæ aliàs receptitia dicuntur, quorum administrationem marito non concessit uxor, sed sibi reservavit, ullam hy-

pothecam tacitam habet; quia quò ad illa deficit legis dispositio. Merlin. *loc. cit. num. 5.* Lauterb. §. 35. unde etiam si ex his pecuniam mutuam dedit marito, inter simplices creditores in concursu creditorum numeratur. Carpz. *p. 1. c. 28. def. 90.* Lauterb. *loc. cit.* Secundo pro donatione propter nuptias tacitam hypothecam habet uxor. *Novell. 109. c. 1.* Negulant. *de pign. p. 2. m. 4. num. 64.* Carpz. *loc. cit. num. 91.* Merlin. *loc. cit. quest. 55. num. 1.* per *l. 29. C. de jur. dot.* Lauterb. §. 37. non est tamen privilegiata, si agat ad donationem illam sibi consequendam, secus, si illam petat tanquam rem pro dote sibi specialiter obligatam; tunc enim hypotheca illa privilegium dotis habet, & per consequens etiam prælationis; cum tunc pro dote potius, quam pro donatione propter nuptias agat. Et ita sub hac distinctione tenent. Abb. *loc. cit. num. 9.* Covar. Pirh. Lauterb. *LL. cit.* Merlin. *loc. cit. num. 3.* Negus. *loc. cit. à num. 65.* Denique pro alimentis consequendis tacitam in mariti bonis uxori concedi hypothecam tenent Negus. *loc. cit. à num. 4.* & tanquam communem usque receptam defendit Merlin. *loc. cit. quest. 51. à num. 1.* De communi etiam testatur Surd. *de alm. tit. 8. provil. 49. à num. 1.* eam tanquam æquioram & sanioram amplectam esse Cameron Imperialem, ait Mynf. *l. 1. obs. 64. num. 5.* cum tamen nihil cautum quò ad hoc, & sine lege tacitas hypothecas fingere non liceat, de jure civili eam hypothecam non agnoscunt. Gratian. *decis. 129. num. 15.* Perez. *in Cod. de R. V. act. num. 11.* Fachin. *l. 12. contrav. c. 33.* & apud Lauterb. §. 39.

Quest. 461. Tacita hypotheca an & qualiter concessa pupillis & minoribus in tutorum & curatorum suorum bonis?

REsp. Etsi primitum jure veteri pupilli & minores non haberent nisi privilegium personale exigendi. *l. 49. §. 1. ff. de administ. tutor. l. 23. ff. de reb. Aurb. Jud. poss.* postmodum tamen iisdem quoque concessa hypotheca tacita in cunctis bonis tutorum & curatorum suorum contra male gestam administrationem tutelæ & curæ. *l. 20. C. de administ. tut. l. unic. §. 1. C. de rei uxor. act. Novell. 118. cap. 5. in fin.* non tamen eam jam quaesitam minoribus transire ad eorum hæredes, ita ut hi bona tutorum & curatorum ob malam administrationem tutelæ & curæ hypothecaria actione prosequi possint, asserunt variis adductis juris textibus apud Lauterb. *in ff. in quib. caus. pign. tacite contrab. §. 41.* Berlich. *p. 1. concl. 67. à num. 32.* Coler. *p. 2. decis. 274.* Franzk. *in ff. de pign. num. 34.* Carpz. *p. 2. c. 24. def. 3.* dicens jus illud hypothecæ competens pupillis esse personalissimum. Item Muller. *ad Struv. in ff. in quib. caus. th. 15. Lit. C.* Verùm etsi ipsum privilegium, vi cuius minoribus 25. annis hæc tacita hypotheca acquiritur, in illorum hæredes non transmittatur; jus tamen in re vi hujus privilegii jam quaesitum minoribus & actionem hypothecariam inde natam in eorum hæredes transire tenent Brunem. *ad cit. l. 20. C. de administ. tutor.* Negul. *de pign. p. 2. m. 4. num. 30.* Mevius. *p. 3. decis. 303.* & alii apud Lauterb. *loc. cit.* ubi etiam contra quod obmover Richer. *Deficere hic legis dispositionem,* ait, hanc necessariam esse ad inducendam, non verò ad transmittendam hypothecam tacitam exemplo hypothecæ pro dote, hanc hypothecam quoque

quoque à minoribus cedi posse aliis, apud Lauterb. tradit Carpz. Extenditur hæc hypotheca minorum ad bona matris & avie, quæ tutelam liberorum susceperunt; quia nullibi excipiuntur. Lauterbach. §. 42. etatis Merlin. *de pign. l. 3. quest. 2. num. 2.* Montan. *de jure tutor. c. 31. effect. 2. num. 6.* &c. ita ut etiam si mater vel avia rationibus necdum redditis & reliquis non solutis alioque tutore non petito, transiret ad secunda vota, maritorum seu vitricorum quoque fierent minoribus obnoxia. *l. 6. §. 2. C. quand. mulier. tut. off. fungi pot. & ibi Brunem. Berlich. p. 1. concl. 67. num. 82. Gail. l. 2. obs. 90. n. 2.* quos citat & sequitur Lauterb. *cit. §. 42.* item Muller. *ad Scrwo. ff. in quib. caus. pign. th. 15. Lit. u.* citatis aliis item extenditur ad tutores, sive sint dativi, sive legitimi seu testamentarii; sive ipsi administrant, sive aliis administrationem commiserunt. *Novell. 118. c. 5. in fin. Lauterb. loc. cit.* ita tamen, ut horum tutorum hæredum bona propria huic hypothecæ non subijciantur, sed bona defuncti maneant obligata Arg. *29. ff. de pign. Merlin. loc. cit. num. 54.* Bachov. *de pign. l. 1. c. 9. num. 4.* Lauterb. *loc. cit.* Muller. *loc. cit. Lit. n.* Item ad bona protutorum & pro curatorum. *l. fin. ff. de tut. & ration. distr. Montan. loc. cit. à num. 12. Besold. cons. 191. num. 20.* Lauterb. §. 47. Item ad bona curatorum ad litem extendunt hanc hypothecam per *l. 13. §. fin. C. de jud. Montan. Berlich. Merlin. apud Lauterbach. §. 48.* qui tamen ait, nihil esse, quod cogat in *cit. L.* per curatorem intelligi curatorem ad litem, maximè, cum in *dicta L.* per curatorem intelligatur curator omnium bonorum. Item ad bona actorum à tutoribus & curatoribus constitutorum extendunt illam Negufant. *p. 2. m. 4. num. 9.* Berlich. *p. 1. concl. 67.* negat hoc ipsum Lauterb. §. 49. cum Bachov. *l. 1. c. 9. num. 4.* & Merlin. *cit. q. 2. num. 48.* ubi is, quòd bona tutorum minoribus obligata sint pro gestis ab istis actoribus, ex æ ratione, quòd in his actoribus deficiat specialis legis dispositio, sine qua hæc merè legalis hypotheca non est statuenda. Uti etiam competere pupillis & minoribus hanc hypothecam in bonis fidejussorum tutorum, negat cum eodem Bachov. *loc. cit.* Lauterb. §. 50. Idemque cum Merlin. *loc. cit. num. 60.* Barbof. *ad l. 20. C. de administ. tut.* esse dicit de iis, qui ex singulari affectione & amicitia negotium minoris gesserunt. Afficit verò hæc hypotheca omnia tutorum bona, tam mobilia quàm immobilia, præsentia & futura Arg. *cu. c. 20. §. novell. 118. c. 5.* Lauterb. §. 43. quin & ad acquisita post administrationem, ut idem cum Rodriq. *de concurs. creditor. p. 1. a. 4. num. 18.* Barbof. *ad cit. l. 20. num. 19.* Non tamen competit minoribus in bonis tutorum & curatorum pro omnibus debitis, sed tantùm pro illis, quæ ex mala illorum administratione veniunt. *cit. l. 20. §. Novell. 118. c. 5.* Carpz. *p. 2. c. 24. def. 12.* Lauterb. §. 44. Incipit statim ex tempore, quò tutores & curatores esse ceperunt, seu suscepti officii, vel confirmatæ tutelæ. Muller. *ad ff. in quib. caus. pign. th. 15. Lit. u.* Bachov. *loc. cit. num. 5.* Negufant. *loc. cit. num. 12.* Surd. *de alim. tit. 8. privileg. 49. num. 18.* Lauterb. §. 46. pignus siquidem additum contractui exinde statim vires exerit, non verò ex quo malum quid gestum fuit, aut à die redditarum rationum, aut ceptæ administrationis Muller. *loc. cit.* sic incipit etiam à die, quo quis se falsò tutorem gessit. Muller. *ibidem.* Et hæc hypotheca

R. P. Leur. Jur. Can. Lib. III.

simplex est & non privilegiata, tribuens solum prærogativam adversus chirographarios & simplices creditores, & non adversus creditores anteriores hypothecarios *l. 9. C. qui pot. in pign.* ut enim hypothecarius anterioribus hypothecariis præferatur, requiritur, ut hujusmodi prærogativa expressâ lege sit eidem concessa, & non sufficit, cum hypotheca concurrere privilegium personale exigendi. Et ita rectius Franzk. *ad ff. tit. qui pot. in pign. n. 48.* Bachov. *ad Wesenbec. tit. de Privil. creditor. num. 2. §. 3.* Merlin. *cit. quest. 2. à num. 68.* Carpz. *p. 1. c. 28. def. 114.* Quos citat & sequitur Lauterb. §. 45. contra Hahn. De cætero, si quis suo nomine rem aliquam emerit pecuniâ pupilli, hic quo ad pretium recuperandum non tantùm hypothecam tacitam habet in re illa empta, sed etiam præferentiam contra alios hypothecarios simplices anteriores tempore. *l. 7. ff. de his qui pot. in pign. l. 3. ff. de reb. eorum qui sub. tut. Laym. l. 3. tr. 4. c. 31. n. 3.* Lauterb. §. 51. Idque, sive ab extraneo sive à tutore factum, ut idem. In quo posteriore casu competere quoque pupillo utilem rei vindicationem juxta *l. 2. ff. quand. ex facto tutor.* Quamvis autem Richter. *De jure & privil. creditor. c. 3. sect. 4. num. 19.* Berlich. *p. 1. concl. 65. num. 145.* censeant, talem hypothecam privilegiatam locum habere in casu, quò quis pupillari pecuniâ cibi credita ad rem emendam eam emerit; melius tamen idipsum negare videtur Lauterb. §. 52. eò quòd leges probantes hanc hypothecam loquantur tantùm de casu, quò pupilli pecuniâ, quæ adhuc pupilli propria, res est empta. *l. 3. ff. de reb. eorum, qui sub. tutor.* qualis non est pecunia illi credita. Ad hæc generalis sit regula, quòd, qui creditur pecuniam ad rem emendam, in illa re empta, nisi expressis verbis sibi prospexerit, de hypotheca, jus pignoris non habeat juxta *l. 17. C. de pign. l. 7. qui pot. in pign.* à qua regula excepti non reperiantur pupilli, & quòd hi quam tales in aliorum creditorum suorum bonis tacitam hypothecam non habeant. Lauterb. *loc. cit.* Quod hic dictum de re empta pecuniâ pupilli, extendunt Negufant. *loc. cit. 164.* Richter. *loc. cit. num. 19.* ad res emptas pecunia militis. Quidam etiam, ut Richt. *loc. cit.* Berlich. *cit. concl. 65. num. 146.* ad res emptas pecuniâ furiosorum, prodigorum & Ecclesiæ. Verum id negat cum Bachov. Lauterb. §. 53. eò quòd in his deficiat specialis juris dispositio, necessaria ad hujusmodi hypothecæ inductionem. Ex qua eadem ratione deficientis specialis legis legalem hypothecam concedentis deducit quoque Lauterb. §. 54. iis, quibus ob corporis vel animi vitium dati sunt curatores, ut sunt mente capti, prodigi, cæci, muti, surdi, de jure civili non competere hypothecam tacitam in bonis suorum curatorum, aut eorum, qui illorum negotia gesserunt, etsi eos illa gaudere simpliciter apud eundem tradant Merlin. *cit. quest. 2. num. 3.* Berlich. *loc. cit. concl. 67. num. 23.* Richter. *cit. c. 4. §. 1. num. 59.* &c. quos sequitur Muller. *loc. cit.* citans etiam pro hoc plures leges. Nihilominus Ecclesiæ, hospitalia, aliæque pia collegia, civitates in Prælatorum & administratorum suorum bonis hypothecam tacitam pro administratione neglecta vel malè gesta habent, ut habet communis AA. quia, tametsi de iis specialiter nihil expressum, gaudent tamen jure minorum, *c. 1. §. 3. de in integ. restit.* ac ita in specie de ecclesiis:

Q 9 2

tradunt

tradunt Gloss. in c. ex literis. v. obligata. h. r. Abb. *ibid.* num. 11. Hof. in *sum. b. e.* num. 3. Laym. l. 3. *tract. 4. c. 30.* num. 3. Pirh. *h. r.* num. 40. Rodriguez. *de concurs. creditor.* p. 1. d. 5. num. 11. Negus. *cit. m. 4.* num. 120. Merlin. *loc. cit. l. 3. quest. 33.* Berlich. *cit. concl. 67. num. 47.* Lauterbach. §. 89. De hospitalibus aliisque piis locis. Gloss. *cit.* Abb. Laym. Lauterbach. *LL. cit.* Merlin. *loc. cit. quest. 12.* Berlich. *loc. cit. num. 55.* De civitatibus Molin. *loc. cit. d. 536.* num. 7. Berlich. *num. 41.* Merlin. l. 3. *quest. 2.* Richter. *de jur. & privil. creditorum. c. 4. f. 1.* num. 99. Lauterbach. §. 87. Non tamen Ecclesia, hospitali, civitati conceditur hypotheca in aliorum suorum creditorum bonis, sicut dictum est de minoribus. Lauterbach. §. 89. Sed neque bona negotiorum gestoris ratione gestionis reperiri tacite hypothecata, inquit Muller. *ad ff. in quib. caus. th. 15. lit. n.* citans pro hoc Carpov. p. 2. c. 24. *def. 17.* & Harprecht. *ad Inst. tit. quibus mod. re contrah. oblig. §. 4. num. 59.* Est autem hæc hypotheca non secus, ac illa minorum, simplex; & incipit à tempore suscepti ab his administratoribus officii, non verò à tempore malæ administrationis. Lauterbach. §. 88. Merlin. l. 6. *quest. 4.*

Quest. 462. Pro quibus rebus hypothecata sit concessa liberis in bonis parentum?

Resp. Est ea illis concessa in bonis parentum pro rebus adventitiis maternis & materni generis, quorum proprietas spectat ad liberos, & administratio ad patrem, ac proinde iis servanda sunt. l. 8. §. 4. *C. de secund. nupt. l. 6. §. fin. C. de bon. qua liberis.* Bachov. *de pign. l. 1. c. 9. a. num. 8.* Carpov. p. 1. c. 28. *def. 113.* Lauterbach. *in ff. in quib. caus. pig. §. 56.* statim ex tempore captæ administrationis. *cit. l. 6.* Lauterbach. *loc. cit.* remittens ad Merlin. *cit. l. 3. quest. 4.* & Berlich. *cit. concl. 67. num. 18.* & si ve dolo, si ve aliâ culpa parentes res illas malè administrarent. Bachov. *cit. c. 9. num. 8.* Lauterbach. *loc. cit.* Idque, si ve ad secunda vota transeat pater, si ve simpliciter apud se habeat res istiusmodi. Muller. *ad ff. in quib. caus. pign. th. 15. lit. x.* cum Bachov. *loc. cit. n. 4.* Pro aliis verò rebus adventitiis, etsi earum quoque usumfructum & administrationem habeat, nulla tamen liberis competit hypotheca. l. 6. §. 2. *C. de bonis qua liber.* ubi etiam Imperator patres omni necessitate reddendarum rationum ratione horum bonorum liberat. Muller. *loc. cit.* Carpov. p. 2. c. 24. *def. 17.* Bachov. *loc. cit. num. 8.* Lauterbach. §. 47. ubi etiam in specie dicit de rebus liberis in testimonium Baptismi à susceptoribus donatis. Sic etiam, dum pater administrat filiorum res castrenses & quasi castrenses, vel adventitias irregulares, aut bona filii emancipati, filius ratione hujus administrationis non habet hypothecam in bonis paternis; deficit enim quò ad hoc dispositio legis, sine qua, ut dictum aliquoties, nulla admittenda vel extendenda hypotheca. Carpov. *loc. cit.* Bachov. *loc. cit. n. ult.* Lauterbach. §. 58. Cæterùm, ubi pater liberorum tutelam vel curam habet, ratione etiam horum bonorum competit liberis hypotheca in bonis patris per. l. 20. *C. de admistr. tutor.* Lauterbach. *loc. cit.* Denique pro legitima liberi nullam habent hypothecam; cum nullibi in jure id reperiat cautum. Merlin. *de*

pign. l. 3. quest. 7. num. 7. dicens esse receptissimam; Carpov. l. 3. *decis. 282.* Negulant. *cit. m. 4. n. 164.* Berlich. p. 1. *concl. 67. num. 67.* Mantica. *de tacit. & ambig. convent. l. 11. tit. 13.* Lauterbach. *loc. cit. §. 6.* Muller. *loc. cit.* contra Bald. *conf. 171.* Fulgos. *conf. 84.* Aretin. *conf. 156.* apud Muller. Nam imprimis eam non habent patre vivo; cum tunc eis non debebatur legitima; neque eo mortuo. Vel enim legitima est relicta, vel non est relicta, & si hoc factum sine justa causa, competit querela, non hypotheca. Si est relicta, vel competit independenter à voluntate patris testatoris tanquam debita ex dispositione legis, & pro ea quâ tali nullam lex hypothecam statuit. Vel est relicta titulo hæredis; & tunc ratione illius hypotheca constitui nequit, utpote cujus filius tunc est dominus; rei autem nostræ pignus constitui nequit. Vel titulo singulari tanquam legatum: & in hoc postremo casu ex testamento assignata in certa re vel summa simpliciter filio tanquam legatario pro ea aut supplemento illius conceditur hypotheca, in aliis nimirum bonis à defuncto relicta, ut Berlich. *cit. concl. 67. num. 99.* Decius. *conf. 235.* Carpov. l. 6. *respons. 46 n. 14.* Lauterbach. Muller. *LL. cit.* Qualiter verò filiabus pro educatione & elocatione earundem etiam feuda paterna sint tacite oppignorata, vide apud Muller. *cit. th. 15. lit. 7.* ubi pro affirmativa citat præter alios Schræder. *de feudis. p. 8. c. 1. num. 38.* Vulcey. *ir. eod. l. 5. c. 9. num. 57.*

Quest. 463. Qualiter igitur legatarii & fideicommissarii hypothecam habeant in bonis à testatore relicta?

Resp. Hypotheca tacita pro legatis & fideicommissis consequendis legatariis & fideicommissariis statuta est. Molin. l. c. d. 536. n. 7. cum communi juxta clarum textum l. 1. *C. communia. de legat. §. 2. Inst. de legat.* non tamen in rebus propriis hæredum aut personarum oneratarum. Lauterbach. l. c. §. 65. Berlich. p. 3. *concl. 67. n. 69.* Mantica. l. c. tit. 17. n. 8. Merlin. l. 3. q. 14. n. 113. Muller. l. c. th. 16. lit. a. Nisi fortè hæres bona testatoris consumpserit vel dolo deserit possidere; pro ut in hoc casu bona hæredis in locum rerum hæreditarium substitui & hypotheca subijci, asserit Donell. *ad cit. l. 1.* quod tamen negat Lauterbach. *cit. §. 65. infine.* cum leges pro hoc citari solitæ id minimè evincant. Quamvis addat, quòd hoc in casu hæres, tanquam fictus possessor illarum rerum hypothecaria actione conveniri possit. Neque in ipsa re in specie legata. Lauterbach. l. c. utpote cujus dominium mox recta & ipso jure à morte testatoris transit in legatarium juxta l. 64. ff. *de furt.* & l. 80. *de legat.* modo res purè legata, & legatarius eam non repudiavit; res autem nostra nobis in pignus constitui nequit. l. 45. *de R. 7.* Neque in bonis alteri personæ legatis. *L. fideicommissorum. ff. ut in possess. legat.* Muller. l. c. sed tantum in cæteris bonis hæreditariis. Extenditur hæc hypotheca ad illos, quibus aliquid à legatariis vel fideicommissariis est relictum. *cit. l. 1.* Merlin. *cit. q. 14. n. 21.* & 27. Lauterbach. §. 61. Item ad eos, quibus ex donatione causâ mortis facta aliquid debetur, etsi hanc donationem non comprehendant verba *cit. l. 1.* hanc tamen esse ejus mentem & sententiam, censent Bachov. *de pignor. l. 1. c. 10. n. 6.* Mantica. l. c. tit. 12. num. 16. Merlin. *cit. q. 14. n. 127.* apud Lauterbach. §. 62. iis consentientem contra Bran-